



18. ՈՍԿԵ ՔԱՔՈՒԼ ՏՂԻ ՀԵՔԻԱԹԸ

Հառաչվա ժամանակը մի թաքավոր կար. շատ զոռքա թաքավոր էր: Դրան էրկու տղա ունեւր, մի կնիկ: Մնէլ արաք մեհտար¹ ունեւր: Դրա համենան մի բանը էտ մեհտարի ձեռովն էր հանց կենըմ. տղեքանցիցը ավել էր սիրըմ, որ հիրան հավատարիմ էր: Արանքը քաշեց մի վախտ, թաքավորի կնիկը մեռավ: Թաքավորը շատ էր ախրում, մի հինգ տարի արանքը քաշեց, կանչեց հիրա արար մեհտարին:

— Մեհտար,— ասեց,— էրկու ձի հազրա, էթանք մի քիչ ման գանք, սիրտս բացվի:

Արարը վե կացավ, էրկու ձի հազրեց, հիրանց նետը, անեղը, գուրզը և թուրը կապեցին, գնացին հանդը: Ման ին գալի, ավղուշ ին անըմ: Գնացին քաղաքիցը դուա մի հախալրի վրա իրեք ախշիկ տեհան՝ նստած ջուր են լցնըմ: Ախշիկքը միներ մընի հետ խոսաց:

Մենձ քիրն ասեց.— Որ թաքավորն ինձ առնի՝ ես թաքավորի հըմար մի խալիչա կգործեմ, որ ղոշունը վրին նստի՝ կեսը դարտակ մնա:

Թաքավորը հանգաջ էր անըմ էտ խոսքին:

Միշնեկ քիրը ասեց.— Որ թաքավորն ինձ առնի՝ ես մի շատիր կգործեմ, ղոշունը տակին նստի՝ կեսը դարտակ մնա:

¹ Զիադան, (ծանօր. բանաճավախ):

Պուճուր քիրն ասեց.— Որ թաքավորն ինձ առնի՝ ես ոսկե քա-
քուս տղա, ոսկե քաքուս ախշիկ կրեմեմ:

Թաքավորն էտ խոսքերը լսելուն պես՝ ետ դառավ, գնաց հփրա
տանը վեր էկավ: Հրամայեց սինոթը նստի, որ ըսօր ես գանգատ
ունեմ: Թաքավորի խոսքը անտես չառան, սինոթը նստեց:

Թաքավորը խնթրեց սինոթին, ասեց.— Իրավունք տվեք իր
արաբին էթա՛, քաղաքի ղրաղին մի հախալուր կա, իրեք ախշիկ
կան ընտի, կանչի գան:

Արաբը գնաց, տեհավ ախշիկները գրից են անում, ասեց.— Ախ-
շիկներք, ձեզ թաքավորը կանչում ա:

Ախշիկներ ծիծաղեցին, ասեցին.— Մեր վերջին օրն ա, էս ինչ
յանդրիչ¹ խոսք էր, մենք խոսացինք:

Ընկան արաբի հետ, էկան: Էկան թաքավորի սինոթըմը կան-
նեցին:

Թաքավորը սինոթին ասեց.— Ես ուզում եմ էս իրեք ախշկան
էլ առնեմ:

Ասեցին.— Ո՞նց կարելի ա, իրեքը բալքի քիր են:

Հարցրին ախշկերանցը: Թե.— Քիր ենք:

Թաքավորն ասեց.— Անպատճառ պըտեմ առնիլ, դուք էլ կառ-
նե՞ք:

Ախշկերն ասեցին.— Որ դու առնես՝ մենք էլ կառնենք:

Թաքավորը դրանց հետ պսակվեց. էտ իրեք քվորն էլ տարավ
փրա տունը:

Հառաչի հետը գնաց մենձ քվոր կուշտը՝ ասեց.— Ա՛խշի, դու
ի՞նչ ես խոսքը տվել:

Ասեց.— Թաքավոր, թե քու անվանը լայաղ ա՝ գնա բուրթ բեր՝
խալիչին գործեմ:

Ասեց.— Սրա տակը տայաղ ա²:

Մյուս քշերը գնաց միշնեկ քվոր կուշտը. տեհավ, սրա տակն
էլ ա տայաղ:

Վերջի քշերը գնաց պուճուր քվոր կուշտը, ասեց.— Հախալրի
վրին էն ի՞նչ իք խոսքմ իրեք քվորով: Հըմի ձեր ասածը ի՞նչ էլավ:

Ասեց.— Թա՛քավոր, բոյախանա՞ ա, հըմի տամ քեզ:

¹ Մխալ, (ծանոթ. բաճառավախի):

² Բան չի իմանում, (ծանոթ. բաճառավախի):

Թաքավորն ասեց.— Բա ո՞նց պըտի ըլի:

Ասեց.— Վախտին կըստանաս:

Թաքավորը պահեց էտ իրեք քվորը հօրան կնիկ մի վախտ: Թաքավորի հառալի կնկա էրկու տղեն՝ Պողոսը ու Պետրոսը հօրանց մոր պես ին ընդունըմ էտ իրեք քվորը:

Էկավ վախտը թամամեց, ասսու հրամանովը պուճուր քիբը կաննեց ոտի: Դրա էրկու քիբը արարին ղրկեցին որ մի տատմեք րեբի:

Տատմերն էկավ, ասեց.— Ի՞նչ եք հրամայըմ, թաքուհիք:

Ասեցին.— Մեր քիբը ոտի վրա ա, պըտի աղատես:

Ասեց.— Ասսանով կաղատեմ:

Էկավ վախտը թամամեց, էտ պուճուր քիբը աղատվեց, մի ոսկե քաթուղ տղա բերուց: Էտ վախտը արարը ղրսը ղարավուլ էր, որ օշով չսեր թաքուհու ձենը. էրկու մենձ քիբը որ տեհան Ոսկե քաթուղ տղեն՝ նախանձեցին հօրանց քվորը, որ հօրանց տակը տայաղ էր, որ հօրանց խոսքը կատարվեց ոչ, նրա խոսքը կատարվեց:

Կանչեցին արարին, ասեցին.— Արաբ, մի շան թուլա բեր էս սըհաթը, քեզ հինգ հարիբ մանեթ փող կտանք:

Արարն երկուդիցը գնաց մի որձ շան թուլա բերուց, տվուց ղրանց: Տատմերը շորի միշին էրեխեն փաթըթեց, տվուց արաբին.— Տա՛ր քցա ծովը:

Արարը տարավ ղրուց ձիու մսուրքը, ետ ղառավ, ըլեդ էկավ հօրա տեղը:

Հառավոտն հաշկալիսեք պըտի էթան թաքավորին, թե՛ Հաշկղլիս, քեզ տղա ա էլի:

Արարը որ գնաց քնելու, էլ քնեց ոչ, էտ էրեխեն վե կալավ, նի՛լավ ձին, տարավ Մաղկեվանք սար կա, ըտի մի ղաղա կա, էրեխու բարուրը ղրուց էտ ղաղեն, գուռը շարեց, ետ ղառավ էկավ քնեց:

Լիսացավ. Ժողովուրթը էկավ թաքավորին հաշկալիսեք: Դրանցից հառաչ էրկու քիրն էկան թաքավորի կուշտը, նոթերը կիտեցին, ասեցին.— Ինչ հաշկալիսեք, քու կնիկը շան թուլա ա բերել:

Թաքավորն ասեց.— Արարին կանչեք:

Արարին կանչեցին, ասեց.— Ա՛րաբ, էտ ղանջըղին տար քցա՞ծովը, կորչի:

Արաբը դրան տարաւ գոմը։ Մի երկու սհաթից ետով թաքավորը կանչեց, ասեց.— Ի՞նչ արիր։

Ասեց.— Տա՛րա, քցե՛ցի ծովը։

Ասեց.— Լաւ արիր։

էկաւ մուրթ մթնեց, արաբը գործից պրծաւ, էտ թաքուհուն վեկաւ, նի հանեց ձին, տարաւ Մաղկեմանքու սարը, հասաւ էն զաղեն, որ էրեխեն միշին ա, ասեց.— Վե՛ր հարի ըստի։

Թաքուհին խնթրեց արարին.— Թե ինձ սըսանես՝ արա՛ ֆողի տակը, իմ ջանդակս ղուրդ¹ ու ղուշ շուտի։

Վեր էկաւ, տարաւ էտ զաղեն, ասեց.— Դու ինձ քիր, ես քեզ ախպեր, քու քվորտինքդ են նախանձել քեզ, դու թուլա շես բերել, էս քու Ոսկե քաքուլ տղեն ա, ապրի ըստի, ես քեզ կպահեմ ինձ քիր։

Արաբը թաքուհուն թողեց ըտի, հինքն էկաւ էլի հիրա ծառայութունին։ Յերեկը ծառայում էր թաքավորին, քշերը օգնում էր թաքուհուն՝ հաց, շոր կրում էր թաքուհուն։

Պահեց ըտի տասներորս տարի։ Տասը տարեկան վախտը թաքուհին խնթրեց արարին, որ տղի հըմար մի նետ ու անեղ բերի։ Արաբը բերուց, տվուց տղին, որ ավղուշ անի։ Էտ տղեն հիրա հըմար ավղուշ էր անում։ Հինքն էլ, հիրա մերն էլ մարալի փոստ ին հաքել, հիրա գլուխն էլ ոշխարի ղառին էր պրծացրել, որ ճանանչեն ոշ։ Միայն շատ հիմաստուն տղա էր. է՛, Սողոմոնից հիմաստուն էր։

Դա թող ըտի ապրի ընչար տասներհինգ տարեկան դառնալը։ Մենք խաբարը տանք թաքավորիցը,

Թաքավորը կանչեց արարին.— Արաբ, հարի՛ ըստի։

Արաբն էկաւ, գլուխ տվեց, կաճնեց։

Ասեց.— Գնա էրկու ձի սարքա՛, էթանք մի քիշ ման դալու, աիրտս շատ նեղանում ա։

Արաբը էտ հրոպպումը պատրաստեց էրկու ձի, բերուց ընտի կաննեց։ Թաքավորը դուա էկաւ, նստեցին ձիանը, հիրանց նետը, անեղը վեկաւան, գնացին ման դալու։

— Արաբ, բա՛ դվո՞րճ էթանք։

¹ Գալլ, (ծանոթ. բանաճավափ)։

Արարն ասեց.— Կամքը քունն ա, թաքա՛վոր, դժոքը հրամա-
յես՝ դենը կէթանք:

Ասեց.— Արա՛բ, գնա՛, դժոքը էթաս կգամ:

Արաբը ձին հառաչ քցեց դըրա Մաղկեվանքու սարը, որտի որ
ապրըմ են թաքուհին ու մսկե քաքուլ տղեն:

Էտ տղեն էտ օրը մի մարալ էր տեհել, ուզըմ էր վե քցի՝ տե-
հալ էն դհիցը էրկու ձիավոր դալիս են, տափ կացաւ տղեն, ասեց.—
Թող դան էթան, նոր վե քցեմ:

Էտ ավը թաքավորն էլ տեհալ, տվուց վե քցեց: Աւը տղին
մոտ էր, տղեն վե կալաւ ու փախաւ:

Թաքավորը բարկացաւ, ասեց.— Ա՛րաբ, էտ տղին վե քցա:

Արաբը նետը բանցր դցեց, որ շառնի տղին: Տղեն փախաւ,
էկաւ մտաւ զաղեն, մոր կուշտը:

Մերն ասեց.— Խի՞ ես վախըմ, ա՛յ տղա:

Տղեն ասեց.— Հրես էրկու ֆոքի են գալի, նրանք ավը վե քցե-
ցին՝ ես փախցրի:

— Բա կարալ շես դրանց մի ջուղապ տալ, ահագին հիմաս-
տութուն ունես:

Թաքուհին դուս էկաւ զաղի դռնիցը թամաշ արուց, տեհաւ
մինը թաքավորն ա, մինը արարն ա: Էկան, զաղի դռանը կան-
նեցին:

Թաքավորն ասեց.— Ա՛յ տղա, իմ ավը խի՞ բերիր:

Ասեց.— Թաքավորը հաստատ մնա, ավը տվողինը չի, բռնո-
ղինն ա:

Թաքավորն էտ էրեստուն տենելուն պես, ոնց որ մի խնձոր ընկ-
նի սիրտը. արինը դրա վրին քըռաց:

Ասեց.— Ա՛յ տղա, դու ի՞նչ գիտես ես թաքավոր եմ:

Ասեց.— Հա՛մեցեք ղոնաղ, կասեմ, թե ով ես:

Թաքավորը վեր էկաւ, մտաւ զաղեն, տեհաւ էտ զաղի դրու-
թունը, զարմացաւ, իժդար ապրանք կար ըտե, հինքն էր առել:
Ամոթու խոսաց ոչ:

Էտ տղեն դրան պատվեց համեն մի կերակրով, մարալի
մտով:

Էտ տղեն ըտի մի ղուշ էլ ունեք, նախշուն ղուշ, տղեն ավ էր
արեւ, բերել էր մորը դըրցահընգեր:

Հացից ետը թաքավորն ասեց.— Ա՛րաբ, վե կաց, էթանք:

Արաբը վե կացավ, ձիանը հաղրեց: Թաքավորը էն ավը որ վեր էր քցել, Ոսկե քաքուլ տղեն բերուց թաքավորին, ասեց.— Համեցե՛ք, քու ավը:

Արաբը վե կալավ, կապեց ձիու թարթին: Դուռ էկավ զաղի դուռը, հըմի նի շի ըլնըմ ձին:

Արաբն ասեց.— Թաքավոր, նի՛ի՛լ, է՛, էթանք:

Ասեց.— Արաբ, որ մենք էթանք, բա էս էրեխեն ըտի ի՞նչ անենք:

Արաբն ասեց.— Թաքավոր, ես գիտեմ, պըտի իմ գլուխը կըտըես, յավաշ մի գանգատ ունեմ, ասեմ, թե՛ կտրելու ես՝ ըստի կտրա:

Թաքավորն ասեց.— Ա՛րաբ, դու իմ էրկու տղին պըտի սըպանած ըլես՝ որ ես քեզ շոռ ասեմ:

Ասեց.— Թաքավորն ապրած կենա, քու որսիւների վախտը, որ գնացինք այն ինչ հախալրի վրին էն իրեք ախշիկը ի՞նչ ին խոսըմ, քեզ ի՞նչ խոսք ին տալի:

Ոնց որ էլածն էր՝ թաքավորն ասեց արաբին:

Ասեց.— Թաքավորն ապրած կենա՛, էն իրեք քիրը որ առար՝ պուճուրը ոսկե քաքուլ տղա բերուց, էրկու քիրը նախանձեցին, հինգ հարիւր մանեթ փող տվին ինձ, հինգ հարիւր՝ տատմորը, մի շան թուլա բերին քցեցին թաքուհու տակը: Ոսկե քաքուլ տղեն տվին ինձ, որ տանեմ քցեմ ծովը, վե կալա բերի ըստի: Հառավոտը դու էլ որ հրամայեցիր, թե՛ էտ դանչըղին տար քցա ծովը, թաքուհուն էլ բերի ըստի. հավատըմ չես՝ տես, էս քու Ոսկե քաքուլ տղեն, էս էլ քու թաքուհին:

Արաբն ասեց ու տղի ոսկե քաքուլը բաց արուց:

Թաքավորը որ տեհավ՝ զարմացավ, ներդուլուն խնթրեց թաքուհուց, թե.— Ես արի՛, դու շանես:

Եննա ասեց արաբին.— Դու շատ լավութուն ես արել ինձ, համա էս մինը սաղ հանց կացրուց, ես չպիտի կարենամ տակիցը դուռ գալ: Դե՛ գնա՛, քաղաքիցը ձի բն՛, քոմմեքս էլ էթանք:

Արաբը գնաց տուն, հիմաց տվուց թաքավորի էրկու տղին, ասեց.— Հաշկենեղ լիս ըլի, ձեր մերն ա քթնվել, ձեր Ոսկե քաքուլ ախպերն էլ:

Էրկու քիրը որ լսեցին, բերանքսըվեր վեր ընկան, մտածըմ ին, թե հի՛րենց գլուխը ի՞նչ պըտի գա:

Թաքավորը, Թաքուհին, Ոսկե քաքուլ տղեն, Հիրա դուշը էկան-տուն: Հաշկալիս էկողներն էկան, գնացին, էկան, գնացին, մինը գալիս էր, հազարն էթըմ:

Արանքը քաշեց մի ութ օր. էրկու քիւրը մինը մընի հետ խոսա-ցին, ասեցին.— էթանք մեր քվորը տենենք, մենք արել ենք, հինքը անիլ չի:

Ասերես վե կացան էկան, մտան Թաքավորի օթախը, դուշը տենելուն պես՝ շուշեն շարթեց ու փախավ:

Ոսկե քաքուլ տղեն լաց էլավ, ասեց.— Վա՛յ, իմ դուշը կորավ: Թաքավորն ասեց.— Կա՛ց մի ըլիլ, դուշդ կրերեմ:

Տղեն ձենը կտրեց ոչ: Թաքավորն ասեց էտ երկու կնկանը.— Ըղդար ժողովուրթ էկավ՝ դուշը փախավ ոչ, դուք էկաք՝ փախավ, գնա՛ցեք կորեք, էլ ըստի դաք ոչ:

էտ կնանիքը թողին, գնացին: Տղեն ձենը կտրեց ոչ: Պողոսն ու Պետրոսը էկան կաննեցին Թաքավորի հառաչը՝ ասեցին.— Մենք կէթանք, մեր ախպոր դուշը կրերենք, թող լաց չըլի:

Ասեց.— Դե՛ գնացեք, բերեք:

Մենձ ախպերը քառասուն ձիավորով գնաց, որ դուշը բերի: Գնաց մի հիրիկվա մանկղըլըմը վե էկավ. որ վե էկավ, կիրակրվե-ցին թեք ընկան քնեցին: Փշերվա մի վախտին մի հավարի ձեն էկավ, վե կացան, ասեցին թե.— Մարթ թալանեցին, վե կացեք, էթանք:

Մի մանկղիլ գնացին, կաքավի ձեն էկավ, քառասունը մին ֆորին դառան քար, մնացին ըտեղ. Թաքավորի տղեն էլ քար էր դառել, համա հաշկի մինը լիս էր՝ տենըմ էր ինչ ա գալի, էթըմ:

Թող դրանք մնան ըտի, մենք դանք Թաքավորի կուշտը:

Արանքը քաշեց ութ օր՝ Թաքավորի միշնեկ տղեն ասեց.— Ախ-պերս գնաց չէկավ, իրավունք տուր, ես էլ էթամ:

Թաքավորն իրավունք տվուց. էտ տղեն քառասուն ճընգերով գնաց: Գնաց էն մանկղիլը, որ ախպերը գնացել էր, ընտի վե էկան, հաց կերան, քնեցին: Փշերն ըլեդ մի հավարի ձեն էկավ. վե կացան գնացին հավարի, մի կաքավի ձեն էկավ՝ դրանք էլ քա-րացան:

էտ ութանասունը էրկու ֆորին թող մնան ըտի: Մենք խաբա-րը տանք Ոսկե քաքուլ տղից:

Ոսկե քաքուկ տղեն խնթրեց, թե իրավունք տու, ես էլ էթամ։
— Զիրան հայտնի էր, թե ախպերտիները քար են դառել։ Թաքավորն
ասեց.— էրկու տղես գնացին, էկան ոչ, դու էլ էթըմ ես, բա մեր
տները ո՞վ պըտի ըլի, իմ թախտը ո՞ւմ պըտի մնա։

Ասեց.— Անկարելի ա, պըտեմ էթալ։

Ասեց.— Որ պըտի էթաս՝ մի հազար ֆոքի հետդ տար։

— Խի՞ ես էթըմ եմ կռի՞վ։ Մենակ քու մեհտար արարին տուր
ինձ, բոլ ա։

Արաբն էկավ կշտին կաննեց.— Հրամայա՛, թաքավորի տղա,
ի՞նչ ես հրամայըմ։

Ասեց.— Մեր հըմար մի քիչ բան վե կալ։

— Ի՞նչ վեր ունեմ, բրինձ վեր ունեմ, եղ վեր ունեմ։

— Չէ՛, մի կես փութ աճար վե կալ։

Վե կալան, ասեցին մնաք բարին, ձիանը նի էլան ու գնացին։

Գնացին, շատ ու քիչն աստված գիտի, էն տեղը հասան, որ
ախպերտիները վեր ին էկել։ Դա էլ վեր էկավ. արաբին հրամայեց,
որ մի քաշովի քցի։ Արաբը քաշովին քցեց, կերան, խմեցին ու քնե-
ցին։ Քշերվա լավ վախտին մի հավարի ձեն էկավ, դրանք վե կա-
ցան, ձիանը նի՛լան ու գնացին մի քիչ տեղ. էլ հետ դառավ, էկավ
տեղը նստեց. թեք ընկան քնեցին։ Համա արաբը քնեց ոչ։

Քշերվա մի վախտին տեհավ մի աղվես էկել ա քաշովին ուտըմ
ա, ասեց.— Թաքավորի տղա, մի աղվես էկել ա քաշովին ուտըմ ա՛
վե քցե՛մ։

Ասեց.— Չէ, սոված ա, թո՛ղ ուտի։

Արանքը քաշեց մի էրկու սըհաթ, արաբն ասեց.— Թաքավորի
որթի, աղվեսը բինիշիդ՝ վրա նստած ա, տա՛մ վե քցեմ։

Ասըմ ա.— Չէ, տալ մի՛, թող նստի, մեղք ա, տեղը շոր ա ըլել,
էկել ա կակոդ տեղ ա քթել. թո՛ղ նստի։

Մի էրկու սըհաթ էլ համփերեց՝ լիսացավ. տեհավ աղվեսը վեր
ա կացել, էթըմ ա։ Արաբն ասեց.— Թաքավորի տղա, աղվեսը գնաց
է՛, տամ վե քցե՛մ։

Տղեն ասեց.— Չէ՛, ինչ կամեցավ ինձ, աստված կամենա
հ՛իրեն, թող էթա։

¹ Վերարկու, (ծաւար, բանաւաւախ)։

Աղվեսը նվոր լսեց էս խոսքը, ետ դառավ, ասեց.— Ոսկե քա-
քուլ տղա, ի՞նչ ա նպատակդ, ասա կատարեմ:

Ասեց.— Քեզ հայտնի ա, իմ դուշն եմ ուզըմ, իմ էրկու ախ-
պերտինքը:

Ասեց.— Որ ըտենց ա՝ քու ունեցածդ տուր արարին, դու իմ
հետ հարի:

Դա ունեցածը տվուց արարին, ընկավ աղվեսի եննա գնաց:
Ետտ ու քիչը աստված գիտի, էն թաքավորի ֆողը գնաց, որ հիրա
դուշը ընտի ա:

Աղվեսն ասեց.— Էտ գոմըմն ա քու դուշդ, նի կմննես, քու դու-
շը կբռնես, հուրըշին ձեռ շտաա:

Էտ տղեն մտավ գոմը, տեհավ հազարավոր զշեր կան, քոմմա
հիրա զշի նման են. ասեց.— Յավաշիկ էրկուսը բռնեմ:

Հենց ուղեցավ բռնի՝ զշերը ձեն տվին, էկան դրան կալան,
տարան թաքավորի կուշտը:

Թաքավորն ասեց.— Բռնըմ իր՝ քու դուշն իր բռնել, ընչի՞
հրժար իր ձեռ տալի հուրիշ զշին, որ քեզ բռնեն, բերեն ըստի:

Ասեց.— Թաքավորը հաստատ մնա՛, իսանի թամահ էր, ի՞նչ
դիտեմ:

— Դե որ թամահի էս, Ծաղկեվանքու սարըմը քառասուն հա-
րամի կա, դնա նրանց սե ձին բեր՝ էրկու դուշ փեշքաշ անեմ՝ տա՛ր:

Դուս էկավ դուռը՝ աղվեսն ասեց.— Է՛տ ի՞նչ ես արել, ես քեզ
բան թամբահ արի, դու խի՞ դնացիր, անտեղի ընկար կրակի մեջը:

Ասեց.— Իսանի թամահ էր, ասեցի էրկուսը բերեմ՝ չէլավ:

Ասեց.— Հարի՛:

Վե կացան, գնացին էն սարը, որ հարամիքն ապրում ին:

Ասեց.— Կէթաա՝ ձիու գյամը կտաա զլուխն ու նի կըլես. թամ-
քին ձեռ շտաա:

Էտ ասեց աղվեսը դրան. Ոսկե քաքուլ տղեն գնաց նեքսե,
ձիուն գյամեց, տեհավ որ թամքը էրկու ձի ածի, ասեց.— Ձին տա-
նողը որ թամքը տանի ոչ՝ ի՞նչ ածի:

Ուղեցավ թամքը վեր ունի, թամքը ձեն ածեց, էկան բռնեցին,
տարան հարամբաշու կուշտը:

Ասեց.— Ձին տանըմ իր՝ տանեիր, թամքին խի՞ իր ձեռը տալի,
որ քեզ բռնեին բերեին ըստի:

Ասեց.— Ձին տանողը որ թամքը շտաներ՝ քա՛նի կապեկ ածեր:

Ասեց.— Որ ըտենց դուռն էս, Ալադլազ սարըմը մի ախլիկ
կա, գնա՛ բեր, ձին թամքեմ, տամ քեզ՝ տա՛ր։
Տղեն դուռն էկավ՝ աղվեսն ասեց.— Խի՞ ես ըտենց բաներ
անում։

Ասեց.— Իսանի թամաճ ա, ի՞նչ անեմ, ընկնում ենք թալակը՝

Ասեց.— Դե հ՛արի։

Գնացին էն տեղը, որ տասը վերստ տեղ փուշ ու տատաշ¹ ա։

Ասեց.— Ոնեներդ հանա։

Թագավորի տղեն բորկացավ։

Ասեց.— էս փուշը կընկնես՝ կէթաս, կասես. «էս ի՞նչ կանանչ
հափ ա»։ Եփ որ փուշը հ՛անց կկենաս՝ կտենես, որ մի հ՛ախպուր
արին ու վահրըն ա. դրանից մի բուռը կխմես, կասես. «էս ի՞նչ
անմահական ջուր ա»։ Նա էլ քեզ ճամփա կտա կէթաս. կէթաս,
կտենես մի ուռի ծառ կա, մի էրկու հրոպալա տակին կհոսանաս,
կասես. «Շեն կենա էտ ծառը», նա էլ քեզ ճամփա կտա՝ կէթաս։
Կէթաս, կտենես դրա տների հ՛առաշին մի եզը կա ու մի ասլան,
եզի հ՛առաշին դմակ կա, ասլանի հ՛առաշին՝ խոտ. դմակը կղնես
ասլանին, խոտը կղնես եզին, նրանք քեզ ճամփա կտան, կէթաս։
Կէթաս՝ կտենես մի ախլիկ նստած ա. բարով շտաս, աշխատա նրա
հուսը կտրա ու դուռն հ՛արի։ Իժդար կգոռան՝ «Տարավ, հա՛, տա-
րավ», ետ շթամաշ անես, կդառնաս քար։

էտ Ոսկի քաքուլ տղեն դրա խոսքերն հ՛անգաջին գինդ արուց
ու գնաց։

Գնաց փուշ ու տատաշը կուշտը, ասեց. «էս ի՞նչ կանանչ հ՛ափ
ա» ու վաղեց, փուշ ու տատաշը դառավ կանանչ հ՛ափ, դրան ճամ-
փա տվուց. գնաց, տեհավ մի հ՛ախպուր՝ էտ հ՛ախպուրիցն էլ մի բու-
ռը ջուր խմեց, ասեց. «էս ի՞նչ անմահական ջուր ա»։ Հ՛ախպուրն
էլ անմահական ջուր դառավ՝ ճամփա տվուց, գնաց. տեհավ մի
ուռի ծառ, տակին էրկու հրոպալա նստեց, ասեց. «Հաստա՛տ մնաս,
հովաքա»։ դա էլ ճամփա տվուց, գնաց։ Գնաց, տեհավ որ էտ ախ-
շկա դռան հ՛առաշին մի եզը կա, մի ասլան. եզի հ՛առաշին դմակ
կա, ասլանի հ՛առաշին՝ խոտ. դա փախարկեց, խոտը տվուց եզին,
դմակը տվուց ասլանին. դրանք էլ ճամփա տվին, Մտավ նեքսե,
տեհավ մի սիրուն ախլիկ։

¹ Տատասկ, (ծառոր. քանաճավափ)։

Ախչիկը տենեկուն պէս տեղիցը վե կացավ, ասեց.— Բարո՛վ, հաղար բարի ես էկել, Ոսկն քաջուլ տղա, ես քեզ ճրաքով ի ման գալի, ցերեկով քթա:

Տղեն լսեց ակնկա խոսքը, աշխատեց հուար կտրեց ու փախավ:

Սար ու քու եննուցը դռուց.— Բռնե՛ք հա՛, բռնե՛ք:

Ախչիկը եղին ասեց.— Բռնա՛:

Ասեց.— Բռնիլ չեմ, թող էթա, օխտը տարի ա ես ըստի եմ, զմակ էր հառաշինս, նա՛ էկավ, խոտը տվուց, թո՛ղ էթա, աստված հիրա հետ:

Ասլանին ասեց.— Ասլան, բռնա՛:

Ասլանն էլ էլի եղի խոսքը խոսաց:

Ուտի ծառին ասեց.— Ո՛ւտի ծառ, բռնա՛:

Ասեց.— Թող էթա՛, աստված հիրա հետ, էկավ էրկու հրոպպա տակիս նստեց, ասեց. «Հաստատ մնա, հովացա», դու դալիս ես, տակիս նստեմ ես, քնեմ ես, ասըմ ես «Թոքդ շորանա՛»:

Ասեց.— Արին ու վահրը, բռնա՛ դրան:

Ասեց.— Ես արին ու վահրը չեմ, ես անմահական շուր եմ, թող էթա՛, աստված դրա հետ:

Ասեց.— Փուշ ու տատաշ, բռնա՛, հուսա դու ես:

Ասեց.— Ես փուշ ու տատաշ չեմ. կանաչ հափ եմ, փունջ մախիշակ եմ, էթեմ ա՛ էթա, աստված հիրա հետ:

Տղեն էկավ աղվեսի կուշտը:

— Հը՛,— ասեց,— բերի՛ր:

Ասեց.— Բե՛րի:

Ասեց.— Տո՛ւր:

Հուար տվուց հիրան: Տղեն հառաչ ընկավ, ետ թամաշ արուց, տեհավ աղվեսը դառել ա մի լավ ակնիկ. էն ակնիկը, որ հուար բերել ա, նրա նման ա տալի:

Ախչիկն ասեց.— Ես էն աղվեսն եմ, տար տուր ինձ հարամբաշուն, ձին նստի գնա, ես կգամ, քեզ կհասնեմ:

Տղեն ակնկանը տարավ հարամբաշուն: Հարամբաշին տենեկուն պէս խելքամաղ էլավ, ասեց.— Գնա՛ցեք, ձին թամբեք, տվեք հիրան:

Գնացին, ձին թամբեցին, տվին էտ տղին՝ գնաց:

Էտ ակնիկը հարամբաշու կշտին նստած էր, հարամբաշին

ուզեցաւ սաթաշմիշ ըլի՜ դրան.—Տո՛,— ասեց ախշիկը,—ինչ թա-
վուր տղամարթ ես, բա քեզ հոգորշ օղլուշաղ շունե՞ս, բեր մի հետը
խոսանք, էլ հո ես էթողը չեմ:

Հրամայեց, հիրա քառասուն կնանիքն էկան, կաննեցին, Քա-
ռասունն էլ տեհան, որ դա քոմմեքիցը սիրուն ա:

Ասեց.— Սրան վե կալեք, տարեք բախշեն ման ածելու:

Գնացին բախշեն, ման էկան:

Ասեց.— Քվորտինք, քոմմեքս էլ մի մարթի կնիկ ենք, իրա-
վունք տվեք, հանց կենամ պատի էն դհին, ջրվեթ անեմ՝ գամ:

Դրանք ասեցին.— Գնա՛, բիրադնիս մենձը դու ես, խի՞ ես
իրավունք ուզում:

Դա պատն հանց կացաւ էն դիհը, դառաւ էն աղվեսը, պոչը
քցեց սաղրուն՝ ու փախաւ: Որտեղ ես Ոսկե քաքուլ տղա,
էկա՛ւ:

էն տեղը հասաւ Ոսկե քաքուլ տղին, որ մոտեցել ա ղշի թա-
քավորի քաղաքին:

Ասեց.— Վեր հ'արի՛ ձիուցը:

Ոսկե քաքուլ տղեն ձիուցը վեր էկաւ քաղաքի դրաղին, ձին
կապեց մի մարաք: Աղվեսը դառաւ մի ձի՝ մի սև ձի, հարամբաշու
ձիու նման, ասեց.— Տա՛ր ինձ տու թաքավորին, քու ղշերն առ ու
գնա, ես կգամ քեզ կհասնեմ:

Տղեն էտ ձին վե կալաւ, գնաց թաքավորի կուշտը. թաքավորը
տեննելու պես ասեց.— Գնացեք էրկու ղուշ տվեք էտ տղին տանի:—
Ձին առան քաշեցին գոմը, էտ տղեն ղշերը վե կալաւ, էկաւ նըս-
տեց հիրա ձին, էն որ մարաքըմը կապել էր, ու գնաց:

Թաքավորն ասեց.— Մի էտ ձին դուս բերեք տենեմ, դրա հը-
մար ահագին ղոշուն եմ փշացրել:

Ձին դուս քաշեցին, մեհտարը ման էր ածում, որ թաքավորը
տենի. ձին մեհտարին մի քացի տվուց, մեհտարը ընկաւ մեռաւ:
Ձին պատը թռաւ, ընկաւ ճամփին, էլի դառաւ էն աղվեսը, էկաւ
հասաւ տղին:

— Հը,— ասեց,— էկա հասա, քշա՛ ձիդ:

Գնացին էն տեղը, որ արաբին թողել ին: Բարով տվին արա-

¹ Գրկախառնի, (ծանոթ. բանահավաքի):

² Մեշքին, (ծանոթ. բանահավաքի):

բին, նստեցին, հաց կերան, աղվեսն ասեց.— Մի ես եմ, մի դու ես, մի քու մեհտարը, իրեք ձի կա, էկեք էս դղըմը մի քիչ հաղ անենք, եննա էկեք, դնացեք:

Թաքավորի տղեն ասեց.— էթանք:

Նիլան ձիանն ու էտ դղըմը հաղ արին: Գնացին հասան էն տեղը, որ ախպերտիւնքն ու գինվորները քար են դառել:

Աղվեսն ասեց.— Ոսկե քարուլ տղա, սրանք ի՞նչ են:

Ասեց.— Փար են, համա իսանի նման են, ձիու նման են, ի՞նչ հիմանամ:

Ասեց.— էտ էրկուսը տե՛նըմ ես, սրանք քու ախպերտիւնքն են, քար են դառել, համա հաշկներըմը լիս կա, տենըմ են:

Ասեց.— Դե՛ դուս էկեք մեշիցը:

Դուս էկան, մի կաքավի ձեն էկավ, դրանք քոմմա էլ կենթանացան:

էտ գինվորները Թաքավորի տղեքանցը ասըմ են.— Դե՛ պըրծեք, էթանք դուշը բերենք:

Թաքավորի տղեքը ասեցին.— Սուս կաննեցեք:

Կաննեցին. էկան էտ երկու տղեն Ոսկե քարուլ տղի հառաշին ձեռ կապեցին կաննեցին, ասեցին.— Մեր ազատողը դու ես, մեր տերը դու ես:

Աղվեսն ասեց.— Դե՛, վերեք էթանք:

Վե կացան աղվեսի հետ էկան էն տեղը, որ քաշովի ին քցել: Վեր էկան ըտի, աղվեսն ասեց.— Ոսկե քարուլ տղա, քու մի բուռը ձավարը իմ հաշկերը բռնեց, թե չէ դու էլ իր քար քու ախպորտանց պեա: Հըմի՛ մնաս րարին, դու գնա՛ քու հայրենիքը, ես էթամ իմ հայրենիքը:

Աղվեսը գնաց հիրա ճամփեն, իրեք ախպերն հիրանց ղոշունի հետ հիրանց էրկու դուշը, հարամբաշու ձին վե կալած գալիս են հայրենիք:

Խարարը գնաց Թաքավորին, թե հաշկդ լիս ըլի, քու տղեքդ էկան սաղ-սալամաթ. Թաքավորը հաշկալիսեք տվուց ժողովրթին, կերան, խմեցին, ուրախացան: Ոսկե քարուլ տղեն էկավ հիրանց տոճը նստեց: Թող դրանք հիրանց տանը մնան մի վախտ¹:

¹ Ժամանակ, (ծաւոր. բանաւալախի):

Մի վախտից ետո Պողոսն ու Պետրոսը, որ թաքավորի որթիքն են, դրանք թաքավորին ասեցին թե.— Ընթուց մենք ենք գանգատ անելու, հորիշ մարթ իրավունք չունի գանգատի:

Թաքավորը շատ մտածեց, թե հիրա տղեքը ընչի՞ հըմար են գանգատ անըմ. կարծըքի տակ էր թե էն էրկուսը ջոկ մորից են, ուզըմ են Ոսկե քաքուլ տղին քցեն:

Ընթսի օրը էրկու տղեն կաննեցին սինոթըմը, թաքավորի հառաշին, թաքավորն ասեց.— Խոսացե՛ք, ինչ ունեք ասելու:

Ասեցին.— Թաքավորն ապրած կենա, գիտաս ինչ կա. դու մենձացել ես, կարալ շես թաքավորիլ, ուզըմ ենք մեր ախպորը դնենք թաքավոր, մեզ կարենա պահի:

Թաքավորն ասեց.— Սա հոժար եմ ու ուրախ եմ, որ դուք ըդար սիրով եք:

Ոսկե քաքուլ տղեն լաց էլավ, ասեց.— Էտ ծանդը լուծը միք դնի իմ շլնքին, իմ հերս կենդանի, ախպերտինքս մեմենձ, խի՞ եք մեխկը քցըմ իմ շլինքը:

Ախպերտինքն ասեցին.— Որ մեզ պահես ոչ՝ կեթանք կընկնենք ծովը, կհեղտվենք:

Ոսկե քաքուլ տղեն ասեց.— Որ ինձ դըմ եք էս լծի տակը, ինչ որ ասեմ, կլսե՛ք:

Ասեցին.— Կը՛ լսենք:

— Դե որ ըտենց ա՛, կառավարութունը կըլի իմը, թող հերս էլի մնա թաքավոր:

Ասեցին.— Լա՛վ:

Մի ժամանակ մնացին հիրանց տան մեջը, ըլեդ Ոսկի քաքուլ տղեն կանչեց հիրա հորը, ախպորտանցը, հիրանց մեհտար արաբին, մի քանի մարթկերանց, ասեց.— Սա ուզըմ եմ մեր հորը ղըրկեմ կնիկ ուզի մեր հըմար. ի՞նչ եք ասըմ, ղարո՞ւլ եք:

Ասեցին.— Ղարուլ ենք:

Ասեց.— Ափու, գնա՛ մեր իրեքիս հըմար ախշիկ ուզա, իրեքն էլ մի հորից, իրեքն էլ մի ջուռա, մինը մընիցը սիրուն լըլի:

Հերն ասեց.— Էթամ, ո՞ւմ հետ ես ղըկըմ:

— Ա՛րարի:

— Ա՛րար, կեթա՞ս:

— Հրամայեցեք, կեթամ:

— Զառավոտը վե կացեք, դարըշի շորեր հաքեք, գնացեք:

Հառափոտը թաքավորական լիբաստը¹ հանեց, դարբնի շորեր հագավ, նաշախն² առավ ձեռը, շանաղն³ առավ, արարած աշխարհը ման էկավ. էկավ մի քաղաքի դրաղի մի կալը մատեցին: Տեհան մի նախրչի տավարը բերուց արուց գնդը. էկավ մտավ մի տուն, ըտի՞ ինչ դրանք նստած ին, էտ դոնիցը մի ախլիկ էր դուռ դալի, թեչին ձեռին, գալիս էր էթըմ, գալիս էր էթըմ, իրեք հետ գնաց՝ էկավ. դրանք հենց հիմանըմ ին, թե մի ախլիկ ա, գալիս ա էթըմ, դու մի՛ ասի, թե իրեքն ա:

էտ՝ նախրչի մարթն էկավ, մտավ էտ տունը, ու փետը քաշեց հիբա կնկանն ու էրեխանցը ծեծեց, թե ղոնաղը էկել ա դուռը նըստել, խի՞ չեք կանչըմ տուն:

— Ա՛յ մարթ, — ասեցին, — մենք ինչ գիտենք՝ ինչ մարթ ին, խի՞ ես մեզ ծեծըմ:

էս նախրչին դուռ էկավ, ասեց. — Դարբիշ բարա, համեցեք, էկեք ղոնաղ:

Թաքավորն ու արարը գնացին նախրչու տունը ղոնաղ, նստեցին, հաց բերին, հաց ին ուտըմ. արարին թաքավորը ըսենց բզըմ ա, ասըմ ա. — Տե՛ս հիբա ախլիկերքն են:

Արարն ասըմ ա. — Նախրչի բիծա, սրանք քու ախլըկե՞րքն են:

Ասըմ ա. — Հրամանք ես, դարբիշ բարա, իմ ախլըկերքն են:

— Հալա՛լ:

— Հալալ:

— Մի հորից, մի մորի՞ց են:

— Հա՛, ինձանից ու էտ կնկանից են:

Քշերը մնացին էտ տանը ղոնաղ, հառափոտն ընկան ճամփա, որ էթան հիբանց երկիրը:

Գնացին, շատ ու քիչն աստված դիտա, գնացին, հասան հիբանց երկիրը: Թաքավորի տղեքը դուռ էկան թաքավորի հառաչը, ընդունեցին:

Ոսկե քարույ տղեն ասեց. — Ափու, քթա՞ք:

Ասեց. — Քթա, համա իրեք ամիս ինձ ժամանակ պլտի տաս, որ էթամ էտ ախլըկերքը ուզեմ, նախրչու ախլիկ են:

— Բան չկա, աստըծութունը մեզ էտ ա արժան տեհել:

¹ Շորեր, (ծանոթ. բանահավաքի):

² Տապար, (ծանոթ. բանահավաքի):

³ Կոկոսի աման, (ծանոթ. բանահավաքի):

Արանքը քաշեց մի ժամանակ, արարին հինգ հազար մանեթ փող տվուց, թե՛ տա՛ր բախշա էն մարթին: Արաքը տարավ, բաշխեց ու էկավ: Իրեք ամսվա մեշը էտ նախընուն շինեց թուջար¹, իրեք ամսից ետով արաբին ղրկեց, թե գնա էն իրեք ախշիկը ուզա իմ իրեք տղին:

Արաքը վե կացավ, գնաց թուջարի կուշտը:

— Բա՛րով քեզ,— ասեց:

— Ասաու բարին:

— Խե՛ր ըլի:

Ասեց.— Խեր ա, ասսուն փառք:

— Ի՛նչ ասեմ, թաքավորը ինձ ղրկել ա, որ քու իրեք ախշիկդ ուզեմ հ՛իրա իրեք տղին, ի՛նչ ես ասըմ:

Թուջարը ծիծաղաց ու տխրեց:

Երթըմ կերավ արաքը, ասեց.— Աստված վկա, էկել եմ ուզելու:

Ասեց.— Դուք որ լայաղ արիք, ես էլ տվի ու տվի:

— Դե նշանս վե կա՛լ:

Նշանը դրուց քուրսու վրեն, ախշկերքը էկան հ՛իրանց լայադ նշանները վե կալան, մենձը՝ մենձինը, միշնեկը՝ միշնեկինը, պուճուրը՝ պուճուրինը:

— Հաշկալիսեք բերեք, խմեն էտ մարթիքը,— ասեց թուջարը:

Քշերը ըտի կացան, քեֆ արին, հ՛առավորտը վե կացան, արաքը գնաց ըլեդ թաքավորի մոտ:

— Է՛, հաշկդ լիս ըլի, որ նշան եմ դրել:

Շատ շնորակալ էլան արաբիցը:

Էն ժամանակը որ գնաց խնամու տանիցը՝ արաբն ասեց թե.— Մայիսի տասներհնգին պըտի գամ, տանեմ ախշիկ գլուխ²:

Էկավ ժամանակը թամամեց, էթալ պըտեն հարսը բերեն. Ոսկի քաքուլ տղեն կանչեց թաքավորին, ասեց.— Որ էթալ պըտես հարսները բերելու, իժդա՛ր ժողովուրթ ես ուզըմ տանես:

Թաքավորն ասեց թե.— Հաղարավոր:

Տղեն ասեց.— Դու գիտաս, համա էթալուս էն ճամփի հախպրիցը մի վերստ հեռու վեր արի, գալուս էլ հեռու վեր արի: Թե որ կշտին վեր գաս, հ՛իմացի, որ քու տղեն չեմ:

¹ Վաճառական, (ծանոթ. բանահավաֆի):

² Այսպես է կոչվում, երբ աղջկան տանում են փեսացուի մոտ և այնտեղ պսակում, (ծանոթ. բանահավաֆի):

Ասեց.— Եստ լա՛վ, որթի, հեռու վեր կգամ:

Թաքավորը դափ ու զուռնով զնաց հարսները բերելու:

Գնացին էտ հախալքիցը մի վերստ հեռու վեր էկան: Գնացի՛ն, հարսանիք արին, հառավոտը վն կալան արխըկերքը բերելու, տն-հավ որ վեր են էկել հախալքի վրին:

Կերած-խմած մարթիք, էլ չկարաց դրանց վն կացնիլ, քշերը մնացին ըտեղ: Թաքավորը քնեց ոչ. լիւր մոտ էր, քնել էր, վն կացավ տեհավ որ ուշապը դռնի շորս դիհ պատել ա. համեն մարթ հասավ հիրա թրին ու սրին, ուշապը աստու հրամանով լիզու էլավ, ասեց.— Հա՛նդարտ կացեք, իմ վրա թուր ու սուր բանիլ չի:

Թաքավորը գլուխը բաց արուց, ուշապին խնթրեց, ասեց.— Ո՛ւշապ ջան, ուզա՛ ինչ ես ուղըմ, որ մեղ ճամփա տաս՝ էթանք:

Ասեց.— Իմ ուղածը պըտի զրկե՛ս, թե չէ:

Ասեց.— Կզրկեմ:

Ասեց.— Բու Ոսկե քարուլ տղեն զրկա՛, դա:

Էտ հարսնաքավորը մի ջուռա էլան, փշրվեցին: Վիշապը դրանց ճամփա տվուց, զնացին:

Վիշապը թաքավորին ետ կանչեց, ասեց.— Թա՛քավոր, չըլի, հանդաջիղ քամակը քցեա հա՛, անպատճառ զրկիլ պըտես:

Թաքավորը խոստացավ, որ անպատճառ զրկի, որ զրկի ոչ, ավելի նեղութունի մեչ կընկնի:

Թաքավորը խնթրեց հարսնաքավորին, որ ուրախ էթան, Ոսկե քարուլ տղեն իմանա ոչ ուշապի ասած խոսքերը, ընչանք հարսան-րիցը պըծնեն: Գնացին հասան տուն, մենձ տղեն էկավ մենձ արխը-կա կուր բռնեց, միշնեկը՝ միշնեկի, Ոսկի քարուլ տղին ասե-ցին.— Դու էլ հարի, բու նշանածի կուր բռնա:

Ասեց.— Դա իմ քիրն ա, ես թաքավորի տղեմ չեմ, ես ուշապի տղեն եմ:

Թաքավորը մի ջուռա էլավ, մնաց արմացած:

— Բա ի՞նչ անենք:

Էն էրկու արխերն ասեցին.— Մընք էլ առնըմ շեմք. էն որ քու քիրն ա, սրանք էլ մեր քիրն են:

Կտները բաց թողին ու ետ կաննեցին, էտ հարսանիքը խաջիլ էլավ¹:

¹ Զկայացավ (ծանոթ. բանաձավի):

Օխտն օրը թամամեց, Ոսկե քաքուլ տղեն մնաս բարով արեց քոմմըքին, ասեց.— Քառասուն օր քաղաքի մարթին սև հաքցրա, էթողին էլ, էկողին էլ, դե մնաք բարին, ես էթըմ եմ:

Ավելի լաց էլավ պուճուր ախշիկը:

Ոսկե քաքուլ տղեն գնաց ուշապի կուշտը: Էտ հ'ախալիի վրին նստեց, ձեռ ու ոտը լվաց, քունը տարավ՝ քնեց: Անկարժ զարթնեց տեհավ, որ ուշապը չորս դըհին կուտապ ա էկել, կաննել:

Ասեց.— Էկա՞ր, Ոսկե քաքուլ տղա:

Ասեց.— Է՛կա:

— Դե՛, — ասեց, — դու ա րի ըտեղան:

Դա դու էկավ, ուշապը ըսենց հ'իրան փաթըթեց, կուտապ էկավ, էտ տղին նստացրուց միշքին, ասեց.— Հ'աշկերդ խփա, — նի էլավ երկինքը:

Ասեց.— Բաց արա հ'աշկդ, թամաշ արա երկնքիցը գետինը, ի՞նչ ա էրևըմ:

Ասեց. — Մի կալի դդար ա էրևըմ:

Էլի քաշեց երկինքը, բանցրացավ, տղեն ասեց. — Ա՛նաստված, արևը ինձ վառեց ախար:

Ասեց. — Ասա՛ տենեմ՝ երկնքիցը երկիրը ի՞նչ ա էրևըմ:

Ասեց.— Բան էրևըմ չի. Չինմաշին թաքավորի դուան հ'առաշի շինարի ծառն ա էրևըմ:

Ուշապն ասեց. — Կարա՞ս նրա ախշիկը ինձ հըմար բերիլ:

Ասեց. — Կբերեմ:

Ասեց. — Թե կարալ շես բերիլ, ըստիան վե քցեմ, օսկոռներդ ղշերն ուտեն:

Ասեց. — Կբերեմ:

Էտ մարթին վե բերուց գետինը. ծովն հ'անց կացրուց էն դիհը, դրուց Չինմաշին թաքավորի ֆողըմը:

Ասեց.— Գնա՛, աստված քեզ հետ:

Էտ տղեն գնաց մալուլ-մշկուլ¹. Թո՛ղ էթա:

Գնաց, մի սարի գլխի տեհավ իրեք ղովտ² կռիվ են անըմ:

Դրան որ տեհան, ասեցին.— Էսա իսան-օղլին էկավ, մեզ կրա-ժանի:

¹ Տխուր-տրտում, (ծանոթ. բանահավաքի):

² Մարդկային բնության ուժտ, (ծանոթ. բանահավաքի):

Գնաց հասավ դրանց, բարով տվուց, ասեց.— Դուք խի՞ եք կոխվ անըմ:

Դրանք ասեցին, որ մենք իրեքս ախպեր ենք, մեզ ունենք բանց իրեք բան, մինը քեշա-քյուլլահ ա, մինը բալնիք ա, մինը դաստախուն ա:

Ասեմ ա.— Սրանց շնորքն ի՞նչ ա, որ դուք կոխվ եք անըմ:

Ասեցին.— Էս քեշա-քյուլլահը դնես գլխիդ՝ հարիր-հազար մարթի միշով էթաս՝ քեզ չեն տնիլ, էս բալնիքը շինած դուան դեմ անես՝ բաց կանի, բացի դեմ՝ անես՝ կշինի: Դաստախունը բաց անես՝ ինչ խնթրվես աստվածանից՝ կկատարի:

Իրեք հատ քար Ոսկե քաքուլ տղեն վե կալավ՝ թոլ արուց ձորը, ասեց.— Գնացե՛ք, վե կալեք, դուզ կաննեք, որըդ թեզ գաք՝ քեշա-քյուլլահը կտամ, նրանից հետի էկողին՝ դաստախունը կտամ, վեր-չի էկողին՝ բալնիքը:

Էտ ղովտեքը գնացին, ձորի միշին կաննեցին:

Ասեց.— Է՛կեք:

Դրանք սկսեցին վազել: Տղեն քեշա-քյուլլահը դրուց գլխին, հեռու կաննեց:

Ղովտի մենձ ախպերը հասավ սարի գլուխը, ասեց.— Քեշա-քյուլլահը իմն ա, տո՛ւր: Միշնեկն էլ էկավ, պուճուրն էլ էկավ, հրժի կաննել են իրեք ախպերով մասլահաթ են անըմ, թե մեր մատը տարանք՝ մեր հ՛աշկը հանեցինք:

Ասեցին.— Էկեք ըսենց դուզ էթանք, բալքի դիպչենք դրան, քյուլլահը վեր ընկնի, քթնենք:

Դրանք ըտենց վազ տվին, տղեն հ՛իրա ճամփեն բռնեց, գնաց դրա Զինմաշին: Գնաց, շատ ու քիչը աստված գիտա, մի ձորի միշով մի ճամփա էր էթըմ, մի դըհին քար ա, մի դըհին ծով ա, ըտի նստած ա օխտը ղովտ, հ՛անց կենալու տեղ կա ոչ:

Ղովտեքը ասեցին մինը մնին.— Հրես էկավ մեր ավը, վաղուց ա իսանի միս կերել չենք:

Էն ժամանակը, որ ուշապը դրան երկնքիցը վե բերուց, դրա հ՛իմաստութունը առավ, մեզ պես մի հասարակ մարթ դառավ: Մտածեց, մտածեց, տեհավ որ դաստախունը կարա հ՛իրան ճար անիլ, Բաց արուց դաստախունը, խնթրվեց ասսուն, դրանց ուղղը՝¹.

¹ Ուտեստ, (ծանոթ. բանահավաքի):

դովտերը էկան նստեցին, կերան, կերան, կշտացան, ասեցին.—
Օխտր տարի ա, մենք ըստեղ ենք, ըզդար կիրակուր կերել շինք, ինչ
ուզում ես, խնթրա, տա՛նք:

Ասեց.— Զատ ուզում չեմ, ինձ ճամփա տվեք, ես էթամ Զին-
մաշին:

Իրանք ճամփա տվին, հփրանց բրթիցն էլ մի քիչ տվին.— Որ
նեղն ընկնես՝ տու կրակին, մենք քեզ կհասնենք:

Դա վե կացավ գնաց, Գնաց մի տեղ տեհավ, որ մուշմաները
ուզում են իրան վրա տան, ուտեն, էլի դաստախունը փռեց, խնթրեց
դրանց ռուզդա:

էտ մուշմաները կերան, կշտացան, ասեցին.— Հա՛մեցեք, արի
գնա:

Դրանք էլ հփրանց ղնգիցը¹ տվին, թե նեղ տեղը ընկնես տուր
կրակին՝ կհասնենք:

էլի գնաց, գնաց, գնաց մի տեղ, տեհավ որ սիպտակ զշերը
ուզում են հփրան քաշեն երկինքը. ըլեդ դաստախունը բաց արուց,
խնթրվեց ռուզդա, էտ զշերը կերան կշտացան, հփրանց բրթիցը
տվին դրան ու ասեցին.— Տո՛ւ կրակին, նեղ տեղն ըլես՝ կհաս-
նենք:

էտ տղեն գնաց, գնաց, շատն ու քիչը աստված գիտա, հասավ
Զինմաշին քաղաքին: Գնաց նստեց էն շինարի տակին, որ ուշապի
վրիցը տեհել էր:

Գնաց մի պառավի տան էլավ դոնադ, մի հինգ-տասն օր ապ-
րեց:

Մի օր պառավին ասեց.— Նա՛նի, գնա՛ թաքավորի ախշիկն
ուղա ինձ:

Պառավն ասեց.— Ա տղա, անիլ մի՛, ըլիլ մի՛, չարի ճամփիցը
ետ դառ, թաքավորը քեզ ախշիկ տալ չի, քու գլուխը կկտրի:

Ասեց.— Բան չկա, գնա՛ ուղա,

Պառավը վե կացավ գնաց, խնամաքարի վրին նստեց. թաքա-
վորի ծառեն դուս էկավ.— Ի՛նչ ա,— ասեց,— պա՛ռավ:

Ասեց.— Թաքավորի ախշիկը ուզում եմ իմ տղին:

Գնաց թաքավորին ասեց.— Նախըջու կնիկը էկել ա, ախշիկդ
ուզում ա հփրա տղին:

¹ Եղունգ, (ծանոթ. բաճառավաճի):

Ասեց.— Գնա՛ կանչա, դա՛ տենեմ:
էկավ, պառաւլին կանչեց: Գնաց, թաքավորին գլուխ տվուց,
կաննեց:

Ասեց.— Հը՛, պառավ, ի՞նչ ես ուզում:

Ասեց.— Քու ախշիկն եմ ուզում իմ տղին:

Ասեց.— Ինձ հնարներ ունեմ, քու տղեն կարաւ լի հանիւ, գլու-
խը կկտրեմ:

Ասեց.— Ձի կարա՛ կտրա՛:

Ասեց.— Գնա՛, տղիդ կանչա, դա՛:

էտ պառաւլն էկավ, տղին տարավ թաքավորի կուշտը:

Թաքավորն ասեց.— Դու իմ ախշիկն ուզում ե՛ս:

Ասեց.— Ո՛ւզում եմ:

Ասեց.— Հնարներ ունեմ, կարա՞ս հանիւ:

Ասեց.— Ոսի՛մ՝, տենեմք:

Հ՛իրիկունը մթնել էր. թաքավորի խեղճ Ոսկի քաքուլ տղին տա-
րան դրին ըսենց մի օթախ, բերին օխտը ոչխար էփեցին, դրին դրա
կուշտը, ասեցին.— Պըտի ուտես էս քշեր. թե կերար՝ ախշիկը
կտանք. թե կերար ոչ՝ գլուխդ կկտրենք:

Դուռը շինեցին ու դնացին:

Թաքավորի տղեն մտածում էր ըտի. թե ինչ անի, որ կարենա
էտ օխտը պղինձը ոսդ անի: Անկարծ միտն ընկավ զովտի բուրթը.
տվուց կրակին, զովտերն էկան, բալնիքը դեմ արուց շինած դռանը,
բացվեց. նի մտան, նստեցին, հ՛ամեն մինը մի պղինձ կերավ, բե-
րանը սրփեց, թողին գնացին: էտ տղեն էլի բալնիքը դեմ արուց
դռանը, էլի շինեց, թեք ընկավ ու քնեց:

Հ՛առավոտը թաքավորը ջանլաթին կանչեց.— Գնա՛, գլուխը
կտրա՛, բեր:

Ջանլաթն էկավ տեհավ, որ էտ տղեն օխտը պղինձն էլ կերել
ա՛ թեք ա ընկել, քնել:

Գնաց թաքավորին ասեց.— Թա՛քավոր, կերել ա:

Ասեց.— Սիրոմս ես տեհել տղի՞ն, ափսոսում ես, որ գլուխը
կտրես:

Հ՛ինքը վե կացավ, սուիբը հաքավ, գնաց տենելու Գնաց տե-
հավ, որ դրուատ կերել ա: Տեհավ որ կերել ա՛ կաննեց:

¹ Զգիտեմ, (ծանոթ. բանահավաքի):

Տղեն ասեց.— Կիրակուրը անհաց տալ չեն մարթի, խի՞ չասիր՝ մեր տանից հաց բերեի:

Թաքավորը զարմացավ:

Վե կալավ թաքավորը էտ տղին, տարավ տուն, պատիվ տվուց:

Հէքսի օրը էտ ամբարը լիքը լցրուց գարի, ցորեն, կորեկ, ասեց.— Քշերը ընչանք լիս իրեքը իրարից ջկիլ պըտես, ու դուռը շինեց՝ գնաց:

Դա մտածեց, մտածեց, մըշըմի դունկը տվուց կրակին: Անկարծ էն իմացավ, որ պատուվը, պատըրհաններովը, փանջարովը, դռնովը մըշմենըրը թափեցին նեքսե, ասեցին.— Թաքավորի Ոսկե քաթուղ տղա, ի՞նչ ես ուզըմ, ասա՛:

Ասեց.— էս գարին, ցորենը, կորեկը հ՛իրարից ջկեցեք:

Ջկեցին էրկու սհաթվա մեչ, պրծան, կաննեցին դրադ:

Տղեն դուռ էկավ, դաստախունը բաց արուց, մըշմենի հըմար ուղղա խնթրվեց, կերան, գնացին: Հինքն էկավ նեքսե, քնեց ոչ էտ քշեր, վախեցավ թե մինը անկարծ կգա՝ մի բուռը ցորեն վե կունի, կքցի գարու վրին:

Հառավոտը քշերով թաքավորը ջանլաթին վե կալած էկավ, որ դրա գլուխը կտրի:

էկավ որ դուռը բաց անի, մննի նեքսե, տղեն թողուց ոչ. ասեց.— Քեզ աստվածավախ մարթ կունենաս, գնա բեր, թող տենի, բալքի մի բուռը վե կալար՝ քցեցիր մընի վրեն, ի՞նչ անեմ քեզ:

Թաքավորը կանչեց հ՛իրա աստվածավախ մարթիքը, էկան տեհան, որ ջոկել ա:

Ասեցին.— Տարա՛վ թաքավորի ախշիկը:

էտ օրն էլ տարավ թաքավորը էտ տղին, պատվեց:

Հէքսի օրն ասեց.— Խնձ սե ղուշ ունեմ, պըտես դու սիպտակ ղուշ բերես կովացնենք: Իմը ախտի՝ քու գլուխդ կտրեմ, քունը ախտի՝ ախշիկս տամ:

Քշերով որ թաքավորի ղուշն էկավ, արևի հառաչը փակեց. տղեն տալդալամիշ էկավ, ղշի բմբուլը տվուց կրակին, թաքավորի ղշի մի հատը մնաց ոչ, բմբունքը նի ին ընըմ երկինքը, ջանդակները վեր թափըմ գետինը:

Ասեց.— Բու ա, քու ղշերը հեռացրու:

Տղեն երկուդիցը դաստախունը բաց շարուց, ղշերին խնթրեց,

որ հեռանան.— Զեր ոռղղեն իմ հաշկի վրեն։— Ղշերը հեռացան քտեղից։

Ասեց.— Թաքավորն ապրած կենա, տարա՞ ախշիկդ։

Ասեց.— Տարա՞ր։

Տարավ էտ տղին պատվեց էտ քշեր էլ, հիփիկունն ասեց.— Գիտա՞ս ինչ կա, ա՛յ տղա։

Ասեց.— Ի՞նչ կա, թա՛քավոր։

Ասեց.— Իրեք հնար էլ ունեմ, որ հանեն ոչ՝ տալ չեմ։

Ասեց.— Թաքա՛վոր, էրեխեքը, վեք հաղալուս, ասըմ են՝ հա-
նաքը իրեքըմն ա, դու էտ ի՞նչ ես անըմ, մի անքամից յա տուր, յա
գլուխս կտրա։

Ասեց.— Անկարելի ա, էտ իրեքն էլ հանիլ պըտես։

Ասեց.— Իրեք օր ինձ ժամանակ տուր։

Ասեց.— Կփախչես։

Ասեց.— Վրիս դարավուդ դի։

էտ տղեն իրավունք առավ, դարավուդի հետ գնաց հիփրանց
տունը. տան շորս դհին չափարեցին ղոշընով։ էտ տղեն տանը
մնաց նստած, մոր հետ խոսըմ էր։

Թաքավորի ախշիկը, էն վախտը որ տղին տանըմ ին դարա-
վուդով, փանջարիցը տեհավ, ափսոս էկավ դրա ջահելութունին, սի-
րունութունին, մտածըմ էր դրա հըմար։

Տղեն պառավին ի՞նչ էր ասըմ.— Նանի՛, էս քեշա-քյուլահը
դի գլուխդ, գնա թաքավորի ախշիկա կուշտը, ասա՛ թե սիրտդ
ուզըմ ա ինձ առնես՝ էտ իրեք հնարն ասա։

Ասեց.— Ես կարալ չեմ, ա՛յ որթի, ինձ կտենեն, կսըպանեն։

Ասեց.— էտ քեշա-քյուլահը դի գլխիդ՝ տենիլ չեն։

Ասեց.— Ես կարալ չեմ։

Տղեն վե կալավ ու դրուց հիփրա գլուխը։

Պառավն ասեց.— Իսսո՞ս ու Քրիստո՞ս, սատա՞նա էր, անե-
րևութացավ։

Ասեց.— Ըստի եմ, նա՛նի, ըստի, ա՛ռ, դու դի գլխիդ, գնա։

Նանը վե կալավ, դրուց գլխին, գնաց թաքավորի ախշիկա օթա-
խը։ Տեհավ՝ թաքավորի ախշիկը մտածըմ ա, ըտի հիփրա քեշա-քյուլ-
ահը վե կալավ։

Ախշիկը ասեց.— Իսսո՞ս ու Քրիստո՞ս, պառավ, սատա՞նա
իր դու։

Ասեց.— Զէ՛, ես էն տղի մերն եմ, ի՞նչ ես անըմ, ախրը. թե որ ուղըմ ես իմ տղին առնես, իրեք հնարն ասա՛, թող իմ տղեն հանի:

Ասեց.— Նա՛նի, առ էս մատանիքս, մեր շինարին տենը՞մ ես, էն շինարին ա, որ ուշապի վրիցը տեհել ա, հառաւոտը մի հնարն էն ա՛ որ բսնց մի ջամ¹ գյուլար սուի² դնիլ պրտի գլխին, նի ըլնի շինարին, թե որ մի կաթ կաթեց՝ գլուխը կկտրի. թող էս մատանիքը դնի էտ գյուլարի մեշը, լերթ կգա, թող դնի գլխին, նի ըլի: Մինը դա ա. մինն էլ քառասուն ախշիկ սիպտակ շորով քառասուն ձի նի ըլիլ պըտեն, մեր դարբաղից դուա գալ պըտեն, հառաշի ձին իմն ա՛ բռնա: Նղի օրը քառասուն սև շորով, քառասուն սև ձիով ըլեդ պըտենք դուա գալ. տասնըշորսը համբրա, տասնըհինգը ես եմ, բռնա:

Հիթսուն մանեթ էլ խալաթ տվուց էտ պառավին, ասեց.— Դե՛ գնա, տղին ասա, մտիցդ քցես ոչ, հա՛:

Պառավն էկավ տուն, տղեն ասեց.— Նա՛նի, ի՞նչ խաբար ես բերել:

Ասեց.— Ասսուն փառք ըլի, լավ ա,— ոնց որ ախշիկը պառավին պատմել էր, ընենց պառավը պատմեց տղին:

Իրեք օրը թամամեց, վե կացավ գնաց: Դուա գալուն պես դոշունը շորս դհիցը պատեցին, ասեց.— Նա հո ղաշաղ չեմ, խի՞ եք ըտենց անըմ:

Տարան թաքավորի կուշտը:

Ասեց.— Էկա՛ր:

Ասեց.— Է՛կա,

Քշերով էր, գյուլար սուին լցրին ջամը, դրին դրա գլխին, ասեցին.— Նի՛լ շինարին, վե բե, որ մի կաթ կաթա, գլուխդ կկտրենք:

Ջամը դրուց գլխին, թաքավորի ախշըկա տված մատանիքը թաքուն թաթախ արուց մեշը՝ լերթ էկավ, նի ըլավ ծառը:

Կիսին տղեն ասեց.— Բո՛լ ա:

— Զէ՛,— ասեց թաքավորը,— պըտես նի՛լլես գլուխը:

Էտ տղեն նի ըլավ գլուխը. էս դըհին, էն դըհին թամաշ արուց, հիրա հոր երկիրը էրևաց, լաց էլավ, արտասունքն էկավ սինու միշին կաթաց:

¹ Բաժակ, (ծանոթ. բանահավաքի):

² Վարդի շուր, (ծանոթ. բանահավաքի):

Ասեց.— Վե՛ր արի, ջանլա՛թ, սրա գլուխը կտրա:

Վեր էկավ տղեն, երկիրն էր ափսոսում դրան՝ խնթրեց թաքավորին, որ աստվածավախ մարթ ունի, բերի, լեզուն տա, տենի ի՞նչ ա դա՝ արտասո՞ւնք ա, թե գլուխը սու ա:

Աստվածավախ մարթն էկավ տեհավ՝ ասեց.— Արտասունք ա Ասեց.— Բա էս ի՞նչ բան ա:

Ասեց.— Հորս երկիրը տեհա, արտասվեցի՝ իմ արտասունքս ա Աղատ՝ արին, տարան պատիվ արին:

Հ'էքսի օրը քառասուն սխալտակ ձիով փսշկերքը դռնիցը դուս էկան, տղեն վաղեց, հ'առաչի ձին բռնեց, ասեց.— Տանե՛մ, թաքավոր:

Ասեց.— Տա՛ր:

Տղին էլի տարան, պատվեցին,

Հ'էքսի օրը սև ձիով, սև շորով քառասուն փսշիկ էլի դուս էկան տանից:

Տղեն տասնընթսը համրեց, սաղ ժողովուրթը ասում էր թե՛ Ափսո՛ս, յանդիշ ընկավ, էլ կարալ շի քթնիլ: Տասնհինգը բռնեց, ասեց.— Թաքավոր, տանե՛մ:

Ասեց.— Տա՛ր, բռնն ա:

Տարան էտ մարթիքը թաքավորի տունը, օխտն օր, օխտը քշեր հարսանիք արին, էտ փսշիկը տվին էտ տղին:

Չէ՛, էտ տղեն ու էտ փսշիկը հ'իրար կշտի պտեն քնիլ:

Տղեն թուրը հանեց, դրուց մեշտեղը:

Սխշիկն ասեց.— Խի՞ ես ըտենց անում, քա՛նի տղեք են իմ արնովը մկրտվել:

Ասեց.— Իմ նեղութունը ընշի հըմար ա ըլել, ուզում եմ քառասունք պահեմ ներողութուն, թաքավորի փսշիկ:

Ասեց.— Հոժար եմ, պահա՛:

Մի տասն օր մնացին ըտեղ. օրերի մի օրը էտ տղեն մենակ օթախըմը նստած էր, գլխի աղուխը վեր էր կալել, ոսկի քաքուլը կախ էր էլել, լիսը տվել էր պատերին. անկարծ փսշիկը մտավ նեքսև. որ մտավ նեքսև, կարաց ոչ խոսալ, թողուց ու զնաց դրսև:

Գնաց թաքավորին ասեց.— Թաքավոր, քու տունը քանդվի, փեսեղ մեռել ա, հ'ա՛րի:

Թաքավորը, թաքուհին, էտ փսշիկը հ'իրար հետ ընշանք էթալը, տղեն հ'իրա գլուխը ծածկեց:

էթալուն պես ախշիկը էտ տղի գլխի բանը վե կալաւ, ասեց.—
Թաքաւոր, էս ա քու փեսե՞ն,

Ոսկե քաթուրը էրևաց, բոլոր պատերը լիս բռնեց։ Թաքաւորը
հասկացաւ, որ դա էն թաքաւորի տղեն ա, որին հինքը հպատակ
ա, ներողութուն խնթրեց, որ էտքան նեղութուն ա տվել։

Տղեն ասեց.— Հըմի ինչ էլեւ ա, էլեւ ա, ախշիկդ տու,
էթամ։

Ախշիկը տվուց դրան, ահագին բաժընքով, խալաթներով, ճամ-
փու դրուց։ Գնացին,

Գնացին հասան ղշի յուրդը. ղշերն էկան թափվեցին, դաստա-
խունը բաց արուց դրանց ռուզղան խնթրվեց, կերան, ճամփա
տվին՝ գնացին։ Մի քիչ էլ գնացին, հասան մըշըմի յուրդը, միև-
նուն էլի դաստախունը բաց արեց, մըշըմի ռուզղան խնթրվեց, կե-
րան, ճամփա տվին, գնացին։ Մի քիչ էլ գնացին, հասան օխտը
ղովտի յուրդը. դրանց էլ դաստախունը բաց արուց, կերան,
ճամփա տվին, գնացին։ Մի քիչ էլ էկան՝ հասան ուշապի
յուրդը։

էտ տղեն թեզ-թեզ երկինքն էր թամաշ անըմ, երկուդիցը ախ-
շըկանը երթըմ էր տալի, թե՛ Ի՞նչ ջուռա եմ քեզ բերել, դու քու
աստվածը։

Ասըմ էր.— Քիր ու ախպոր պես ենք էկել։

Տղեն էլի երկինք էր թամաշ անըմ, տեհաւ ուշապը գալիս ա։

Ախշիկն ասեց.— Ընչի՞ հըմար ես ըտդար վիրե թամաշ անըմ։

Ասեց.— Քեզ էն ուշապի հըմար եմ բերել։

Ասելուն պես ախշիկը վիրե թամաշ արուց՝ վախութունիցը
պռոշը ճղվեց, արինը թափվեց։

Ուշապը վեր էկաւ, հիրա խրխին հանեց, քցեց դրադ, մի
սիրուն տղա դառաւ։

Դու մի ասի՛, էտ ուշապն էտ ախշկա ախպերն ա, ճանանչե-
ցին հիրար, փաթըթվեցին ու լաց էլան։

Ախպերը քվորն ասեց.— Քեզ ի՞նչ ջուռա բերուց էս տղեն։

Ասեց.— Իրեք հնարն էլ ինքը հանեց, իրեքն էլ ես ասեցի։

Ասեց.— Շա՛տ լավ արիր, որ ասեցիր. գիտես, ա՛յ տղա, մեր
հերն անիրաւութուն ա արել, քեզ պես տղի քյալլով օխտը էտաժա-
նի տնեւ ա շինել, ես կարացի ոչ էտ բանը տանիլ, ասսուն խնթըր-
վեցի, որ ուշապ դառնամ, նի՛լնեմ երկինքը, շտենեմ էտ անիրա-

վութունը: Ես քեզ դրկեցի, որ սրան բերես, մեր ֆոքին ազատվի, առ տա՛ր, քեզ եմ բախշում:

Նստե ուշապի խորխին հաքավ, քվորն ու փեսին դրուց միշկին, հ'անց կացրուց ծովը, տարավ դրուց տղի ֆոդը:

Ասեց.— Գնացե՛ք, աստված ձեզ հետ, համա հ'իմացի, ա՛յ տղա, որ նախրու ախշկանը թողալ չպըտես, հ'առաջ նրա հետ պսակվի, եննա իմ քվոր:

Տղեն ասեց.— Միրդամ, առ էս քեշա-քյուլլահը, դաստախունը, բալնիքը, տուր իմ հ'իմաստութունը, խնթրում եմ:

Ուշաքն առավ քեշա-քյուլլահը, դաստախունը, բալնիքը, տվուց նրան հ'իմաստութունը, հ'իրարից բաժանվեցին: Տղեն գնաց հ'իրա հայրենիքը, ուշապն էլ բանցրացավ երկինքը:

Գնաց տղեն, մոտացավ քաղաքին, տեհավ մի նախրչի դեմ վազեց, ուշունց տալով ասեց.— Քոպակ-օղլի, էտ խի՞ ես էտ լիրփը սիպտակ շորով բերում մեր քաղաքը, գիտես ո՞չ, որ թաքավորի Ոսկե քաքով տղեն կորել ա:

Ասեց ու դադանակը վե կալավ, որ տա տղի գլխովը, տղեն մի սիլլա տվուց դրա՛ն, պինչը արնեց, չորանը քիթը բռնեց՝ ու դուռ վազեց թաքավորի կուշտը՝ գանգատ,

Դրանք հասան մի գառնարածի. տղեն մի ոսկի բախշեց գառնարածին, ասեց.— Գնա՛, թաքավորին ասա, հ'աշկդ լիս, քու տղեդ ու հարսդ էկան:

Գառնարածը վազեց, էն տեղը հասավ, որ չորանը գանգատ էր անում:

Ասեց.— Հ'աշկդ լիս, թաքա՛վոր, տղեդ ու հարսդ էկան սիպտակ շորերով:

Թաքավորը չորանին ասեց.— Չորան, իմ տղեն ա էլել քեզ սիլլա տվողը, ներողութուն, խալաթ ուզա՛ տամ:

— Թաքա՛վոր,— ասեց չորանը,— կուլապս¹ հին ա, մի կուլապ տուր:

Թաքավորը դրան համ կուլապ տվուց, համ խալաթ:

Գառնարածին էլ խալաթ տվուց, ճամփու դրուց: Տղեն ու հարսը հասան քաղաքը. թաքավորը դափ ու ղուռնով գնաց հ'առաջը.

¹ Թաղիքե վերարկու, (ծանոթ. բաճախավախի):

տղերն էլ հփրանց նշանածների հետ գնացին ախպոր հառաչը,
մնաց էն պուճուր քիրը՝ շինքը ծուռ՝ գլուխը մը կաննած:

Ոսկե քաքուլ տղեն էկավ, մոտեցավ ախլըկան, ասեց.— Վեր
հարի, դու իմ հառաչի բախտն ես, ես քու վիզը ծուռ թողսւլ չեմ:

Իրեք ախպերով հփրանց նշանածների հետ գնացին պսակվե-
ցին, իսկ Ոսկի քաքուլինը էրկուսն էր:

Օխտն օր, օխտը քչեր հարսանիք արին, նրանք հասան հփրանց
մուրադին, մենք էլ հասնենք մեր մուրադին:

Աստվածանից իրեք խնձոր վեր էկավ, մինն՝ ասողին, էրկուսն
էլ՝ հանգաջ դնողին:

